

საქართველოს განათლებისა და მეცნიერების
სამინისტრო



შენობის ფასადის შუშების დასუფთავების მომსახურების
შესყიდვა
(CPV 90900000)

გამარტივებული ელექტრონული ტენდერის
სატენდერო დოკუმენტაცია

ქ. თბილისი

ინსტრუქცია ტენდერში მონაწილეთათვის

ტენდერში მონაწილეთა მხრიდან სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

ინსტრუქცია ასევე შესაძლებელია იხილოთ: <http://procurement.gov.ge>

- ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს წყვეტს სატენდერო კომისია.
- პრეტენდენტის მიერ წარმოდგენილი ყველა დოკუმენტი ან/და ინფორმაცია დამოწმებული უნდა იყოს უფლებამოსილი ან მისი ნდობით აღჭურვილი პირის ხელმოწერითა და ბეჭდით (ასეთის არსებობის შემთხვევაში). (მინდობილობის არსებობის შემთხვევაში აღნიშნული დოკუმენტი ატვირთული უნდა იქნეს ერთიან ელექტრონულ სისტემაში).
- ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისთვის დაზუსტდება სატენდერო წინადადების შესაბამისად.
- ტენდერით მოთხოვნილი არ იქნება გამარჯვებული პრეტენდენტის მხრიდან საკვალიფიკაციო მონაცემების დამადასტურებელი დოკუმენტების წარმოდგენა.
- ტენდერში გამოყენებული იქნება **სატენდერო წინადადების უზრუნველყოფის გარანტია** (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება 120 კალენდარული დღით ტენდერისათვის „წინადადებების მიღება დაწყებული“ სტატუსის მინიჭების ეტაპიდან.
- სატენდერო საფასურის ოდენობა შეადგენს 50 ლარს.

შენიშვნა: ელექტრონული გარანტიის ბენეფიციარი/მიმღები არის სააგენტო. ელექტრონული გარანტიის სააგენტოსთვის წარდგენა და საფასურის გადახდა ხორციელდება სისტემაში არსებული ავტომატური საშუალებების მეშვეობით. ელექტრონული გარანტიისა და საფასურის წარდგენა ხდება ტექნიკური დოკუმენტაციის სისტემაში ატვირთამდე.

- პრეტენდენტს არ აქვს უფლება წარმოადგინოს ალტერნატიული წინადადება.
- ტენდერში არ იქნება გამოყენებული ხელშეკრულების უზრუნველყოფის საბანკო ან/და სადაზღვევო გარანტია.
- მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის პირობებზე დათანხმება ხდება ერთიან ელექტრონულ სისტემაში შესაბამის ღილაკზე დაჭერით.

სატენდერო დოკუმენტაციის შესახებ დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან: **ეკა ეზუგბაია, ნათია მჟავია, მარიამ ფალიაშვილი, ნატალია ბოჭორიშვილი, ნათია ჭიკაძე, ხათუნა სანიკიძე.** ტელ: 2 200 220 (1273, 1274, 1272), ელ-ფოსტა: eezugbaia@mes.gov.ge, მისამართი: ქ. თბილისი, უზნაძის ქ. №52, ოთახი 12

1. ტექნიკური დოკუმენტაცია

ტექნიკური დავალება

შესყიდვის ობიექტს წარმოადგენს საქართველოს განათლებისა და მეცნიერების სამინისტროს ადმინისტრაციული შენობის (სამ სართულიანი შენობა-ნაგებობის) მინების კაპიტალური დასუფთავება შიგნიდან და გარედან (არაუმეტეს 900 კვმ).

მომსახურების ვადა: მომსახურება უნდა განხორციელდეს ოთხჯერ ხელშეკრულების გაფორმებიდან 2016 წლის ბოლომდე შემსყიდველთან შეთანხმებით.

შესასყიდი მომსახურების სავარაუდო ღირებულებაა 3600,00 (სამი ათას ექვსასი) ლარი.

დაფინანსების წყარო – 2016 წლის სახელმწიფო ბიუჯეტი, („განათლებისა და მეცნიერების სფეროში სახელმწიფო პოლიტიკის შემუშავება“) (პროგრამული კოდი 320101).

ტექნიკური დავალება მოიცავს შემდეგს:

ქ. თბილისი, დ. უზნაძის ქ. №52 მდებარე საქართველოს განათლებისა და მეცნიერების სამინისტროს სამ სართულიანი ადმინისტრაციული შენობის მინების (შიგნიდან და გარედან) კაპიტალური დასუფთავების მომსახურების შესყიდვა.

დასასუფთავებელი ფართობი: 900 კვმ.

მომსახურება უნდა მოიცავდეს:

N	ობიექტის დასახელება	დასასუფთავებელი ფართის მოცულობა	გარედან წმენდა ჯერადობა	შიგნიდან წმენდა ჯერადობა
	საქართველოს განათლებისა და მეცნიერების სამინისტროს ადმინისტრაციული შენობა (ქ. თბილისი დ. უზნაძის ქ. №52)	900 კვმ	წელიწადში 4-ჯერ, შემსყიდველის მოთხოვნის შესაბამისად	წელიწადში 4-ჯერ, შემსყიდველის მოთხოვნის შესაბამისად

- პრეტენდენტმა უნდა უზრუნველყოს შუშების (შიგნიდან და გარედან) რეცხვა-გაწმენდა თანამედროვე ხელსაწყოების, მაღალი ხარისხის საწმენდი საშუალებებისა და შესაბამისი ტექნიკის გამოყენებით;
- პრეტენდენტის ტექნიკური პერსონალი აღჭურვილი უნდა იყოს შესაბამისი ხელსაწყოებით და სახარჯი მასალებით.
- მომსახურება უნდა განხორციელდეს ოთხჯერ: ყოველი კვარტლის ბოლო კვირას (7 დღე).

აუცილებელი პირობა:

- მომსახურების გაწევისას მიმწოდებელი უნდა გაუფრთხილდეს შემსყიდველის ქონებას.
- მიმწოდებელი ვალდებულია ჰყავდეს პასუხისმგებელი პირი მომსახურების გაწევის პერიოდში.
- მიმწოდებლის მიერ მომსახურების გასაწევად შემოტანილი ყველა საჭირო მასალა და დასუფთავების საშუალება უნდა იყოს მაღალი ხარისხის და უნივერსალური, ეფექტურად უნდა აცილებდეს ყველა სახის ლაქას, ნადებს და სხვა.
- მიმწოდებელმა მომსახურება უნდა გაწიოს დასუფთავებისათვის საჭირო ინვენტარით.
- პრეტენდენტს უნდა ჰქონდეს ანალოგიურ საქმიანობაში ორ წლიანი გამოცდილება (2014 და 2015 წწ).

2. პრეტენდენტის ტექნიკური დოკუმენტაცია უნდა შეიცავდეს გასაწევი მომსახურების განფასებას (ფასების ცხრილი). სატენდერო წინადადების ღირებულება უნდა მოიცავდეს ამ ტენდერით გათვალისწინებული მომსახურების სრულყოფილად გაწევასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს.

3. პრეტენდენტის მიერ წარმოდგენილ უნდა იქნეს სატენდერო წინადადების როგორც საერთო ღირებულება, ასევე ერთჯერადად მომსახურების ფასი.

4. მიმწოდებლის მიერ ელექტრონულ სისტემაში ატვირთული ყველა დოკუმენტი უნდა იყოს ხელმოწერილი და ბეჭედდასმული.

0 თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის მოთხოვნის შემთხვევაში, პრეტენდენტი ორგანიზაცია ვალდებულია „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანებით დამტკიცებული წესის მე-11 მუხლის 21 პუნქტის თანახმად, დაასაბუთოს ფასწარმოქმნის ადეკვატურობა ექსპერტიზის დასკვნით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

ანგარიშსწორების ფორმა და ვადები

მიმწოდებელთან ანგარიშსწორება განხორციელდება უნაღდო ანგარიშსწორებით, ეროვნულ ვალუტაში.

მიმწოდებელთან ანგარიშსწორება იწარმოებს ეტაპობრივად, ყოველ ჯერზე მომსახურების გაწევის შემდგომ, კანონმდებლობით გათვალისწინებული დოკუმენტაციის წარმოდგენიდან არაუგვიანეს 15 კალენდარული დღის განმავლობაში.

სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. წინასწარი ანგარიშსწორება (ავანსი) არ გამოიყენება.

შესყიდვების ერთიან ელექტრონულ სისტემაში განსათავსებელი ტექნიკური დოკუმენტაცია:

ა) პრეტენდენტმა უნდა წარმოადგინოს რეკვიზიტები და სატენდერო წინადადების ფასი დანართი N2 და დანართი N3-ის შესაბამისად.

ბ) ინფორმაცია 2014 და 2015 წლებში ანალოგიური მომსახურების გამოცდილების შესახებ (მათ შორის, სახელმწიფო ორგანიზაციებთან თანამშრომლობის გამოცდილება); მიმწოდებელმა უნდა წარმოადგინოს მინიმუმ ორი სარეკომენდაციო წერილი, მათ შორის არანაკლებ ერთი - სახელმწიფო ორგანიზაციიდან.

პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.

სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის „ა-ბ“ ქვეპუნქტებში განსაზღვრულ მოთხოვნებზე.

ა) ინფორმაციას ანგარიშსწორების პირობებისა და ვადების შესახებ;

ბ) ინფორმაციას მიწოდების ვადებისა და პირობების შესახებ;

გ) სატენდერო წინადადება ძალაშია მისი სისტემაში ატვირთვის დღიდან ტენდერისათვის „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ სტატუსის (ერთ-ერთი) მინიჭებამდე.

დ) მომსახურების გაწევა განხორციელდება ტექნიკურ დავალებაში მოცემული პირობებით.

ხელშეკრულება № _____
სახელმწიფო შესყიდვის შესახებ

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ქ. თბილისი

----- 2016 წ

ერთი მხრივ, საქართველოს განათლებისა და მეცნიერების სამინისტრო (მისამართი: ქ. თბილისი, დ. უზნაძის ქ. №52) წარმოდგენილი მინისტრის პირველი მოადგილის **ქეთევან ნატრიაშვილის** სახით (შემდგომში წოდებული „შემსყიდველად“) და მეორე მხრივ _____ (მისამართი: _____) მისი დირექტორის _____ სახით (შემდგომში წოდებული „მიმწოდებლად“), საქართველოს განათლებისა და მეცნიერების სამინისტროს მიერ დასუფთავების მომსახურების შესყიდვის მიზნით ჩატარებული გამარტივებული ელექტრონული ტენდერის გათვალისწინებით ვდებთ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდ-ველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხა-რეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთ-ვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

საქართველოს განათლებისა და მეცნიერების სამინისტროს ადმინისტრაციული შენობის მინების (შიგნიდან და გარედან) კაპიტალური დასუფთავების მომსახურება (CPV90900000), რომლის ტექნიკური პირობები მოცემულია ტექნიკურ დავალებაში, რომელიც დაერთვება წინამდებარე ხელშეკრულებას, როგორც მისი განუყოფელი ნაწილი.

3. ხელშეკრულების მოქმედების ვადები

ხელშეკრულება ძალაში შედის ხელმოწერის მომენტიდან და მოქმედებს 2017 წლის 31 იანვრის ჩათვლით მხარეთა მიერ ხელშეკრულებით გათვალისწინებული ვალდებულებების სრულ შესრულებამდე.

4. ხელშეკრულების ჯამური ღირებულება

- 4.1 ხელშეკრულების ჯამური ღირებულება შეადგენს: _____ ლარს.
- 4.2 ერთჯერადა მომსახურების ღირებულება შეადგენს ----- ლარს.
- 4.3 ხელშეკრულების ჯამური ღირებულება უნდა შეიცავდეს შემსრულებლის მიერ საქართველოს მოქმედი კანონმდებლობით გათვალისწინებულ ყველა გადასახადს.

5. მომსახურების გაწევის წესი და ადგილი

- 5.1. ხელშეკრულებით გათვალისწინებული ვალდებულების შესრულების ადგილი: ქ. თბილისი, დ. უზნაძის ქ. №52 საქართველოს განათლებისა და მეცნიერების სამინისტროს ადმინისტრაციული შენობა (სამ სართულიანი შენობა-ნაგებობა 900 კვმ ფართობი).

5.2. მომსახურების გაწევა ხდება ტექნიკური დავალებით დადგენილი წესის მიხედვით (ტექნიკური დავალება წარმოადგენს წინამდებარე ხელშეკრულების განუყოფელ ნაწილს).

6. მხარეთა ვალდებულებები

6.1. მიმწოდებელი ვალდებულია გაუწიოს შემსყიდველს ამ ხელშეკრულების მე-2 მუხლში მითითებული უნაკლო მომსახურება.

6.2. თუკი ხელშეკრულების მე-2 მუხლში გათვალისწინებული მომსახურება არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი, წინააღმდეგ შემთხვევაში გამოიყენება ხელშეკრულებით გათვალისწინებული პირგასამტეხლო.

6.3 მიმწოდებელი ვალდებულია განახორციელოს შემდეგი მომსახურება:

N	ობიექტის დასახელება	დასასუფთავებელი ფართის მოცულობა	გარედან წმენდა ჯერადობა	შიგნიდან წმენდა ჯერადობა
	საქართველოს განათლებისა და მეცნიერების სამინისტროს სამ საერთოლიანი ადმინისტრაციული შენობა (ქ. თბილისი დ. უზნაძის ქ. N52)	900 კვმ	წელიწადში 4-ჯერ, შემსყიდველის მოთხოვნის შესაბამისად	წელიწადში 4-ჯერ, შემსყიდველის მოთხოვნის შესაბამისად

6.4 პრეტენდენტმა უნდა უზრუნველყოს მინების (შიგნიდან და გარედან) რეცხვა-გაწმენდა თანამედროვე ხელსაწყოებისა და მაღალი ხარისხის საწმენდი საშუალებებისა და შესაბამისი ტექნიკის გამოყენებით;

6.5 პრეტენდენტის ტექნიკური პერსონალი აღჭურვილი უნდა იყოს შესაბამისი ხელსაწყოებით და სახარჯი მასალებით.

6.6 მომსახურება უნდა განხორციელდეს ოთხჯერ: ყოველი კვარტლის ბოლო კვირას (7 დღე).

აუცილებელი პირობა:

- მომსახურების გაწევისას მიმწოდებელი უნდა გაუფრთხილდეს შემსყიდველის ქონებას. მომსახურების გაწევისას სამინისტროს ქონების დაზიანების შემთხვევაში მიმწოდებელი ვალდებულია ორი დღის ვადაში მოახდინოს დაზიანებული ქონების ახლით შეცვლა.
- მიმწოდებლის მიერ მომსახურების გასაწევად შემოტანილი ყველა საჭირო მასალა და დასუფთავების საშუალება უნდა იყოს მაღალი ხარისხის და უნივერსალური, ეფექტურად უნდა აცილებდეს ყველა სახის ლაქას, ნადებს და სხვა.
- მიმწოდებელმა მომსახურება უნდა გაწიოს დასუფთავებისათვის საჭირო ინვენტარით

6.7 მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.8 შემსყიდველი ვალდებულია მომსახურების სრულყოფილად გაწევის შემდეგ გადაიხადოს მისი ღირებულება ამ ხელშეკრულებით გათვალისწინებული პირობებით;

7 ანგარიშსწორების ფორმა და წესი

7.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

7.2. ანგარიშსწორება განხორციელდება ეტაპობრივად, მხარეთა შორის გაფორმებული მიღება-ჩაბარების აქტის გაფორმებისა და შესაბამისი ფინანსური დოკუმენტაციის წარმოდგენიდან 15 კალენდარული დღის ვადაში.

7.3 ანგარიშსწორების ვალუტა - ლარი.

7.4 დაფინანსების წყარო: 2016 წლის სახელმწიფო ბიუჯეტი, („განათლებისა და მეცნიერების სფეროში სახელმწიფო პოლიტიკის შემუშავება“) (პროგრამული კოდი 320101).

8 ხელშეკრულების კონტროლი

8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

8.2. ამ მუხლის პირველი პუნქტით გათვალისწინებული კონტროლისა და ზედამხედველობის განმახორციელებელი პირ(ები) შემსყიდველის მიერ განსაზღვრული იქნება ხელშეკრულების გაფორმების მომენტისათვის, რომელიც ყოველი თვის ბოლოს მოამზადებს დასკვნას გაწეული მომსახურების ხელშეკრულების პირობებთან შესაბამისობის თაობაზე.

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9 შესყიდვის საგნის მიღება-ჩაბარების წესი

9.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილი პირი განსაზღვრული იქნება ხელშეკრულების გაფორმების მომენტისათვის).

9.2 მიღება-ჩაბარების აქტის გაფორმების საფუძველს წარმოადგენს მიმწოდებლის მიერ წარმოდგენილი ფინანსური დოკუმენტი (ინვოისი) და კონტროლის განმახორციელებელი პირის შესაბამისი დასკვნა.

9.3 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

10. მხარეთა პასუხისმგებლობა

10.1. ფორსმაჟორული გარემოებების გარდა ხელშეკრულებით გათვალისწინებული ვალდებულებების ვადაგადაცილების შემთხვევაში მიმწოდებელს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,5%-ის ოდენობით.

10.2. ხელშეკრულებით გათვალისწინებული ვალდებულებების ნებისმიერი ხარვეზით შესრულების შემთხვევაში მიმწოდებელს დაეკისრება პირგასამტეხლო ხელშეკრულებით განსაზღვრული ერთ ჯერზე განსახორციელებელი მომსახურების ღირებულების 5%-ის ოდენობით.

10.3 ხელშეკრულების პირობების შეუსრულებლობის ან არაჯეროვანი შესრულებისათვის შემსყიდველი უფლებამოსილია შეწყვიტოს ხელშეკრულება ცალმხრივად და დააკისროს მიმწოდებელს პირგასამტეხლო ხელშეკრულების მთლიანი ღირებულების 5%-ის ოდენობით.

10.4 იმ შემთხვევაში, როდესაც მიმწოდებელი სრულად ვეღარ ასრულებს წინამდებარე ხელშეკრულებით გათვალისწინებულ მოვალეობას, აღნიშნული განიხილება, როგორც ხელშეკრულების არაჯეროვანი შესრულება და შემსყიდველი უფლებამოსილია გამოიყენოს წინამდებარე მუხლის 10.3 პუნქტით გათვალისწინებული პირობა.

10.5. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

11. ფორს-მაჟორი

11.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

11.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

11.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

12. ხელშეკრულებაში ცვლილებების შეტანის და შეწყვეტის წესი

12.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

12.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

12.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

12.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რომელიც წერილობით უნდა ეცნობოს მეორე მხარეს.

13. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შემდეგისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

14. დასკვნითი დებულებები

ხელშეკრულება შედგენილია სამი თანაბარი იურიდიული ძალის მქონე ეგზემპლარად (ორი რჩება შემსყიდველს, ერთი – შემსრულებელს).

მხარეთა რეკვიზიტები:

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვწერე ამ აფიდავითს და წარვადგინე ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

რეკვიზიტები:

პრედენდენტის დასახელება:

ხელმძღვანელის სახელი და გვარი:

პრეტენდენტის მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიშის ნომერი:

მომსახურების ხარჯთაღრიცხვა

პრეტენდენტის დასახელება _____

ობიექტის დასახელება	დასასუფთავებელი ფართის მოცულობა	გარედან წმენდა ჯერადობა	შიგნიდან წმენდა ჯერადობა	ერთ. ფასი	სულ ფასი
საქართველოს განათლებისა და მეცნიერების სამინისტროს სამ სართულიანი ადმინისტრაციული შენობა (ქ. თბილისი დ. უზნაძის ქ. N52)	900 კვმ	წელიწადში 4-ჯერ, შემსყიდველის მოთხოვნის შესაბამისად	წელიწადში 4-ჯერ, შემსყიდველის მოთხოვნის შესაბამისად		

(თანამდებობა, სახელი, გვარი)

(ხელმოწერა)